

U BiH je sve više gladnih usta, a na spiskovima javnih kuhinja je sve manje mjesta "U Banjoj Luci

12/12/2017 09:05 by Administrator

Javne kuhinje širom Bosne i Hercegovine svaki mjesec vode borbu kako da opskrbe toplim obrokom najugroženije građane. Podrška vlasti nerijetko izostane, a organizacije koje se bave ovim humanim dijelom posla oslanjaju se najviše na pomoć dobrih ljudi. Ulogu "hranitelja" sve više preuzimaju udruženja.

Â

Kako nam je rekao predsjednik Humanitarne organizacije Merhamet Hajrudin Ahić, u nešto više od 20 kuhinja širom zemlje svakodnevno pripremaju 8.000 obroka. Svakodnevno dobijaju nove zahtjeve osoba koje su gladne i kojima bi taj jedan obrok bio spas.

"Zbog činjenice da su u nekim kantonima i općinama gotovo prepolovili izdvajanja za Merhametove javne kuhinje te da u ovoj godini 'Merhamet' nije dobio nijednu konvertibilnu marku iz federalnog budžeta i pored naših zahtjeva koji su se odnosili i na pomoć iz robnih rezervi, nismo u mogućnosti uvrstiti nove korisnike na spisak korisnika usluga javnih kuhinja. Naprotiv, zbog činjenica koje sam spomenuo, Merhamet je ubuduće biti primoran reducirati postojeće spiskove korisnika. Do sada to nije urađeno zahvaljujući našim donatorima koji zdužno pomažu u rad naših kuhinja, pokazujući na taj način solidarnost sa socijalno ugroženim porodicama", kazao nam je Ahić.

Istakao je kako država na svim nivoima vlasti, uz nekoliko izuzetaka, nema sluha za osobe u stanju socijalne potrebe, koje se nisu svojom krivicom našle na društvenoj margini.

Crveni križ FBiH očekuje porast broja korisnika

Crveni križ FBiH očekuje porast broja korisnika u sljedećoj godini za 20 posto. Obroke dijele na području Kantona Sarajevo i Mostara. Nadaju se da će biti opskrbiti sve korisnike koji do njih dolaze putem centara za socijalni rad.

"Kuhinja Crvenog križa Kantona Sarajevo dnevno podijeli 1.506 obroka, mada broj obroka varira iz mjeseca u mjesec, jer tako varira i broj korisnika. Naime, korisnici usluga kuhinja Crvenog križa mogu biti samo oni građani koji zadovoljavaju određene kriterije, a našurirane spiskove korisnika dostavljaju službe za socijalna pitanja pri Općinama svakog mjeseca", kazali su nam iz ove organizacije.

Ova kuhinja ima 19 punktova za podjelu hrane. Kada je riječ o gradu Mostaru, Crveni križ ima jednu kuhinju u kojoj se dnevno pripremi i podjeli 300 obroka, a za 20 porodica koje žive na udaljenim mjestima i nisu u mogućnosti dolaziti ni na jedan od tri punkta za podjelu hrane, Crveni križ grada Mostara priprema i distribuira pakete s prehrambenim artiklima jednom mjesečno.

"U narednoj godini se očekuje porast broja korisnika za blizu 20 posto. U protekloj i 2016. godini kuhinje Crvenog križa Kantona Sarajevo i Crvenog križa grada Mostara pripremile su i distribuirale 803.000 obroka za 2.400 korisnika", kazali su nam iz Stručne službe Crvenog križa FBiH.

U Banjoj Luci nema zaliha

BLUSRCU.BA - Stranica za sve banjalučane sirom svijeta!

<http://blusrcu.ba>

U Banjoj Luci postoji pet javnih kuhinja. Crveni krst Republike Srpske opskrbljuje više od 430 ugroženih osoba. Jedan je dana sedmično, a sedmi dan korisnici idu u javnu kuhinju "Obrok ljubavi" koju je napravilo Udruženje "Mozaik ljubavi". U njoj se sprema blizu 560 obroka, što govori da je potreba mnogo veća od one koju CKRS može podmiriti. Od maja je otvorena i nova javna kuhinja Udruženja "Sveti Ćirak Avakum" koja pravi obroke za 35 ugroženih porodica.

Srećim, Merhamet i Crveni krst imaju pomoć banjalučkih vlasti u tom gradu, mada ona nije dostatna. Iz CK Banja Luka nedavno su kazali kako nemaju zaliha hrane, ali da obroke prave upravo zahvaljujući donacijama dobrih ljudi.

Â Sarajevo (Foto: Davorin Sekulić/Klix.ba)

Na području Bijeljine broj gladnih raste velikom brzinom. Na početku ove godine broj gladnih je utrostručen. Crveni krst je u ovom mjesecu pokrenuo akciju prikupljanja prehrambenih i higijenskih paketa za najugroženije. Pomoć je podijeliti korisnicima javne kuhinje, ali i drugima iz okolnih mjesta. Pozvali su sve privrednike i ljude koji su u mogućnosti da im pomognu u ostvarenju cilja. U Bijeljini postoji i Narodna kuhinja u kojoj dnevno obrok dobije 270 osoba.

Sve više udruženja hrani gladne

Narodna kuhinja "Stari Grad" u Sarajevu, gradu koji ima još četiri javne kuhinje, srećim ima dovoljno hrane i redovno snabdijevaju svoje korisnike. Svoju misiju su proširili i na periferne dijelove grada te svakodnevno voze obroke u 32 kuće u Tarčinu. Inače imaju 4.000 korisnika. Ipak, i oni egzistiraju zahvaljujući humanosti.

Narodna kuhinja "Imaret" u TK ima 16 punktova u Tuzli, Lukavcu, Gračanici i Kalesiji. Zbog teškog stanja moraju odbijati nove korisnike kojih ima stotine.

Mostar je odnedavno dobio Puku kuhinju fra Didaka Buntića u studentskom domu Dompes gdje se priprema 200 obroka za ugrožene. Volonteri Udruženja "Minores" svako jutro ranom zorom pripremaju sendviče, drugu hranu i tople napitke koje dijele beskućnicima i ugroženim porodicama. Dnevno podijele blizu 9.000 toplih obroka. Kako su ranije kazali, i na njihova vrata svakodnevno kucaju ljudi koji su gladni.

Piše: M. N./Klix.ba